

## Զեկույց

### Մասիս քաղաքային համայնքի 2019 թ. բյուջեի վարչական և ֆոնդային մասերում փոփոխություններ կատարելու մասին

Մասիսի քաղաքապետարանի և ՄԱԶԾ-ԳԷՖ «Քաղաքային Կանաչ լուսավորություն» Էներգախնայողության ծրագրի շարունակականությունը ապահովելու և գիշերային երթևեկությունը ավելի անվտանգ դարձնելու նպատակով անհրաժեշտ է Երևանյան, Հանրապետության փողոցների որոշակի հատվածների և Մասիս-Չարբախ խճուղու ԴՆԱՏ լուսատուները թվով 111 հատ փոխարինել 100w հզորությամբ 5 տարվա երաշխիք ունեցող LED լուսատուներով : Լուսատուների մեկ հատի շուկայական արժեքը 40 000 դրամ է : Լուսատուների ձեռք բերման համար անհրաժեշտ է 4 440.0հազար դրամ: Միաժամանակ առաջարկվում է իրականացնել նորագույն տեխնոլոգիաներով փորձնական ծրագիր: Կենտրոնական հրապարակում տեղակայված 85w հզորությամբ երեք լուսատուներ անհրաժեշտ է փոխարինել արևային լիցքավորվող լուսատուներով, որոնք չեն պահանջում սպասարկում, չեն ծախսում էլեկտրաէներգիա և ունեն 3 տարվա երաշխիք: Արևային լուսատուների մեկ հատի շուկայական արժեքը 150,0հազար դրամ է, 3 հատի համար անհրաժեշտ է 450,0 հազար դրամ: Գիշերային լուսավորության արդիականացման ծրագրի շարունակականության իրականացման համար անհրաժեշտ է ընդհանուր 4890,0 հազար դրամ:

Մասիս համայնքում տեղակայված համայնքի սեփականություն համարվող աղբամանները շահագործման ընթացքում մաշվել, փչացել և հետագա օգտագործման համար դարձել են ոչ պիտանի, աղբահանության ժամանակ առաջացնում են խնդիրներ: Քաղաքում աղբահանությունը պատշաճ մակարդակով իրականացնելու համար առաջարկվում է ձեռք բերել 65 հատ ժամանակակից, 1,1մխ տարողությամբ ցինկապատ աղբամաններ՝ քաղաքի կենտրոնական մասերում տեղակայված աղբամանները նորերով փոխարինելու համար: Նոր ձեռք բերվող աղբամանները կլինեն ներկա աղբամաններից տարողությամբ կրկնակի անգամ ավելի մեծ, նախատեսված երկարաժամկետ օգտագործման համար և կպահպանեն քաղաքի արտաքին տեսքը: Աղբամանի մեկ հատի շուկայական գինը 165,0 հազար դրամ է, 65 հատ ձեռք բերելու համար անհրաժեշտ է 10725,0 հազար դրամ:

Համայնքում բնակչության անվտանգության, մարդկանց և մեքենաների մոնիտորինգի, հանցագործությունների կանխարգելման նպատակով առաջարկվում է քաղաքի Երևանյան, Հանրապետության, Արարատյան փողոցներում, Մասիս-Չարբախ և Էջմիածին խճուղու հատման հատվածներում տեղադրել

տեսադիտարկման սարքեր թվով 20 հատ: Շուկայի ուսումնասիրությունից պարզվել է, որ տեսադիտարկման համակարգի տեղադրման համար անհրաժեշտ է 7230,0 հազար դրամ:

2019թ. օգոստոս ամսին համայնքը ձեռք է բերել ճանապարհների գծանշման, ճանապարհային երթևեկության նշանների տեղադրման սխեմա: Հաշվի առնելով այն հանգամանքը, որ շուտով սկսվում էր ուսումնական տարին, բյուջեում առկա 600,0 հազար դրամով քաղաքի խիտ երթևեկելի և ուսումնական հաստատություններ տանող ճանապարհների որոշակի հատվածներում կատարվել է գծանշման աշխատանքներ, նշված հատվածներում խիստ կարիք կա ևս իրականացնելու գծանշման աշխատանքներ, որի համար անհրաժեշտ է լրացուցիչ 300,0 հազար դրամ:

Համայնքի թիվ 5 մանկապարտեզ ՀՈԱԿ-ում առկա շենքային պայմանները հնարավորություն են տալիս բացելու 2 խումբ 60 երեխայով: Մանկապարտեզի չգործող մասնաշենքը կարիք ունի հիմնանորոգման և ջեռուցման համակարգի անցկացման: Նշված աշխատանքների իրականացման համար անհրաժեշտ է 250,0 հազար դրամ՝ նախագծանախահաշվային աշխատանքներ պատվիրելու համար:

Վերոնշյալ կապիտալ ծախսերը կազմում է ընդհանուր 23395,0 հազար դրամ: Առաջարկվում է անհրաժեշտ դրամական միջոցները հատկացնել տարվա ընթացքում գնումներով մրցույթներից առաջացած խնայողություններից, այն է՝

14 և 18 շենքերի բակերի բարեկարգման աշխատանքներից՝ 7699.0 հազար դրամ, Մասիս Կայարանի թիվ 12 շենքի տանիքի հիմնանորոգումից՝ 2569.0 հազար դրամ, թիվ 2 մանկապարտեզի հիմնանորոգումից՝ 7000.0 հազար դրամ,

փողոցների լուսավորման համակարգի կառուցումից՝ 6127.0 հազար դրամ:

Նկատի ունենալով, որ քաղաքապետարանի աշխատակիցների պատշաճ արտաքին տեսքը կարևոր դեր է խաղում քաղաքապետարանի հաճախող այցելուների կողմից քաղաքապետարանի նկատմամբ վստահության ձևավորման, ցույց է տալիս հարգանք գործընկերների և քաղաքացիների նկատմամբ, առաջարկվում է քաղաքապետարանի կին աշխատակիցների համար ձեռք բերել միանման հագուստ, որի համար անհրաժեշտ է հատկացնել 1000.0 հազար դրամ:

Հաշվի առնելով այն հանգամանքը, որ համայնքում մեծացել է պահանջը համայնքի սեփականություն հաղիսացող հողերի ձեռք բերման նկատմամբ, աճուրդներ կազմակերպելու և օտարելու համար անհրաժեշտ է կատարել չափազրման աշխատանքներ, որի համար բյուջեում նախատեսված միջոցները սպառվել են և

անհրաժեշտ է լրացուցիչ 300.0 հազար դրամ օտարման համար նախատեսվող հոդային միավորները չափագրելու համար:

Համայնքի գրեթե բոլոր բազմաբնակարան շենքերի նկուղների ջրագծերը և կոյուղագծերը գտնվում են վթարային վիճակում և հաճախակի են դարձել բնակիչներից դիմում բողոքները վթարների վերաբերյալ: Որոշակի շենքերում, որտեղ ավելի հաճախակի են ջրագծերի և կոյուղագծերի վթարները, մինչև տարեվերջ ընթացիկ նորոգում իրականացնելու համար անհրաժեշտ է բյուջեից հատկացնել 4000.0 հազար դրամ:

Առաջարկվում է վարչական բյուջեի ծախսերը հատկացնել՝ պահուստային ֆոնդից՝ 1300.0 հազար դրամ, քաղաքի աղբահանության ծառայությունների գնման մրցույթից առաջացած խնայողությունից՝ 4000.0 հազար դրամ:

Աշխատակազմի քարտուղար

Ֆինանսական բաժնի պետ



Վ. Գաբրիելյան

Ն. Սահակյան